

EW NAMOPUNG

A mutata an ewe Kepina epwe awora taropwen etipeew ngeni Soufonu ren ekkewe fonu Muun mei aea, a pwan awora monian, pwan mutata kaworen sopusopun monian, me pwan ren ekkoch popun.

Epwe Pung me ren ewe Legislature-un ewe Muun Chuuk.

Tetten 1. Affaten Popun. Fansoun poputan an ewe Muun Merika tumunu me nemeni Chuuk, a wor ekkewe etipeew nefinen Soufonu me ewe Muun an Muun epwe aea ekkewe fonu a iteni "Aean Fonu Non Fansoun ese Pwon" me won fonuwen non Chuuk. A men watte efeiengawen ekkei etipeew, pwan aukukun niwinin ekkewe fonu ese wesewesen naaf. Non ekkewe ier seni 1960par me 1970ipar, Soufonu ra kutta chommong sakopaten anen pichinoon feiengawen ekkewe etipeew, iwe met a fis, iei a affat me non ewe Chunapen Annukun noun Federated States of Micronesia pwe ekkewe etipeew mei mwan, ina popun epwene much manamaner. Ewe Federated States of Micronesia Constitution a affata pwe murin nimu ier seni an a poputa pochokunan ewe Muun State epwe nenengeni meni nein ekkewe fonu epwe anomwatiw an epwe aea murin an muchuno pochokunen ekkewe etipeew. Ewe Muun Chuuk a awora an rifiu ren meni fonu Muun mei chiwen need ren a epwe aea non fansoun ese pwon epwe anomwatiw pun Muun epwe aea. Popun me wewen ei Annuk ren an epwe mutata an ewe Kepina epwe awora etipeew ren aean ekkewe fonu ewe Muun mei need an epwe chok pwan aea, awora monian won \$1,400,000 ren ewin kamon aean ekkewe fonu iwe pwan mutata kaworen monien sopusopun amuchunon kamon aean ekkewe fonu seni met ukukun moni Chuuk epwe tongeni awora mwach kan.

Tetten 2. Mumutan Etipeewin Aea. Iei a mumuta an ewe Kepina epwe ne awora etipeewin aean ekkewe fonu nefinen Muun me ekkewe Soufonu non fonuwen non Chuuk ekewe fonu ewe Kepina a wesewesen nuku pwe Muun mei need ika mochen aea, iwe masowen etipeew epwe fiti chok met ewe Kepina mei nuku pwe epwe murinno. Inamwo masowen ekkoch Annuk, ewe aukukun momon aean ekkewe fonu mei auchea an epwe kamou epwe napseni met mei wor me ren ewe Muun Chuuk fan asengesin ekkewe Soufonu ika pwe ewe Kepina mei awora an nukunuk pwe saposopun niwinin aean ekkewe fonu epwe wor atun ika me mwen ewe fansoun kamon niwinin ekkewe fonu epwe katou fan pungun masowen ewe etipeew. Ika pwe ewe Kepina ese tongeni